

四庫全書

史部

# 欽定四庫全書

史部

釋史卷二十七

詳校官檢討臣羅國俊

編修臣裴謙覆勘

覆校官博士臣劉光第

校對官中書臣施光輅

校對官中書臣宋枋遠

騰錄監生臣竺清泰

騰錄監生臣孫晉元

篆字騰錄臣鮑汀

欽定四庫全書

續史卷二十七

靈壁縣知縣馬驥撰

宣王中興

史記共王崩子懿王躋立

紀年懿王名堅元年天再旦于鄭○大紀云王室始衰徙

都槐

懿王之時王室遂衰詩人作刺

漢書懿王時王室遂衰戎狄交侵暴虐中國中國被其

苦詩人始作疾而歌之曰靡室靡家玁狁之故豈不日

戒玁狁孔棘

○據此采薇為懿王之詩矣○沈約曰懿王之世興居無節號令不時挈壺氏不能

共其職諸侯  
於是攜德

史記懿王崩共王弟辟方立是為孝王

紀年孝王七年冬大雨雹江漢

水牛馬死是  
年厲王生

孝王崩諸侯復立懿王太子變是為夷

王

○按禮記王始下堂而見諸侯  
人呂人來獻瓊玉賓于河用介珪  
紀年夷王二年蜀

林獲犀牛一以歸  
七年虢公帥師伐太原之戎至于  
俞泉獲馬千匹冬兩電大如礪  
八年王有疾諸侯祈

于山川王陟  
帝王  
世紀夷王十六年崩

夷王崩子厲王胡立

詩民亦勞止汔可小康惠此中國以綏四方無縱詭隨

以謹無良式遏寇虐懜不畏明柔遠能邇以定我王民  
亦勞止汙可小休惠此中國以為民速無縱詭隨以謹  
懜恠式遏寇虐無俾民憂無棄爾勞以為王休民亦勞  
止汙可小息惠此京師以綏四國無縱詭隨以謹罔極  
式遏寇虐無俾作慝敬慎威儀以近有德民亦勞止汙  
可小愒惠此中國俾民憂泄無縱詭隨以謹醜厲式遏  
寇虐無俾正敗戎雖小子而式弘大民亦勞止汙可小  
安惠此中國國無有殘無縱詭隨以謹繾繾式遏寇虐

無俾正反王欲玉女是用大諫 上帝板板下民卒瘁  
出話不然為猶不遠靡聖管管不實於亶猶之未遠是  
用大諫天之方難無然憲憲天之方蹶無然泄泄辭之  
輯矣民之洽矣辭之懌矣民之莫矣我雖異事及爾同  
僚我即爾謀聽我囁囁我言維服勿以為笑先民有言  
詢于芻蕘天之方虐無然詭詭老夫灌灌小子躑躑匪  
我言耄爾用憂詭多將煇煇不可救藥天之方憊無為  
夸毗威儀卒迷善人載尸民之方殿屎則莫我敢葵喪

亂蔑資曾莫惠我師天之牖民如堦如筮如璋如圭如  
取如攜攜無曰益牖民孔易民之多辟無自立辟佻人  
維藩大師維垣大邦維屏大宗維翰懷德維寧宗子維  
城無俾城壞無獨斯畏敬天之怒無敢戲豫敬天之渝  
無敢馳驅昊天曰明及爾出王昊天曰旦及爾游衍  
蕩蕩上帝下民之辟疾威上帝其命多辟天生烝民其  
命匪諶靡不有初鮮克有終文王曰咨咨女殷商曾是  
彊禦曾是掎克曾是在位曾是在服天降愆德女興是

力文王曰咨咨女殷商而秉義類彊禦多懟流言以對  
寇攘式內侯作侯祝靡屆靡究文王曰咨咨女殷商女  
魚休于中國斂怨以為德不明爾德時無背無側爾德  
不明以無陪無卿文王曰咨咨女殷商天不洎爾以酒  
不義從式既愆爾止靡明靡晦式號式呼俾晝作夜文  
王曰咨咨女殷商如蜩如蟬如沸如羹小大近喪人尚  
乎由行內爨于中國覃及鬼方文王曰咨咨女殷商匪  
上帝不時殷不用舊雖無老成人尚有典刑曾是莫聽



大命以傾文王曰咨咨女殷商人亦有言顛沛之揭枝  
葉未有害本實先撥殷鑒不遠在夏后之世 苑彼桑  
柔其下侯甸將采其劉瘼此下民不殄心憂倉兄填兮  
倬彼昊天寧不我矜四牡騤騤旟旒有翩亂生不夷靡  
國不泯民靡有黎具禍以燼於乎有哀國步斯頻國步  
蔑資天不我將靡所止疑云徂何往君子實維秉心無  
競誰生厲階至今為梗憂心慙慙念我土宇我生不辰  
逢天憚怒自西徂東靡所定處多我覲瘖孔棘我圍為

謀為戾亂况斯削告爾憂恤誨爾序爵誰能執執逝不以濯其何能淑載胥及溺如彼朔風亦孔之僂民有肅心并云不逮好是稼穡力民代食稼穡維實代食維好天降喪亂滅我立王降此蝨賊稼穡卒痒哀恫中國具贅卒荒靡有旅力以念穹蒼維此惠君民人所瞻秉心宣猶考慎其相維彼不順自獨俾臧自有肺腸俾民卒狂瞻彼中林牲牲其鹿朋友已譖不胥以穀人亦有言進退維谷維此聖人瞻言百里維彼愚人覆狂以喜匪

言不能胡斯畏忌維此良人弗求弗迪維彼忍心是顧  
是復民之貪亂寧為荼毒大風有隧有空大谷維此良  
人作為式穀維彼不順征以中垢大風有隧貪人敗類  
聽言則對誦言如醉匪用其良覆俾我悖嗟爾朋友予  
豈不知而作如彼飛蟲時亦弋獲既之陰女反予來赫  
民之罔極職涼善背為民不利如云不克民之回適職  
競用力民之未戾職盜為寇涼曰不可覆背善詈雖曰

匪予既作爾歌

詩序民勞召穆公刺厲王也

板儿伯

刺厲王也 蕩召穆公傷周室大壞也

厲王無道天下蕩蕩無綱紀文章故作是詩也桑柔  
芮伯刺厲王也○鄭譜以小雅十月之交兩無正小旻  
小宛此四篇為刺厲王之  
詩序既不然今仍從序

周書芮伯稽古作訓納王于善暨執政小臣咸省厥躬  
作芮良夫芮伯若曰予小臣良夫稽道謀告予惟民父  
母致厥道無遠不服無道左右臣妾乃違民歸于德德  
則民戴否則民讎茲言允効于前不遠商紂不道夏桀  
之虐肆我有家嗚呼惟爾天子嗣文武業惟爾執政小  
子同先王之臣昏行○顧道王不若專利作威佐亂進

禍民將弗堪治亂信乎其行惟王暨爾執政小子攸聞  
古人求多聞以監戒不聞是惟弗知后除民害不惟民  
害害民乃非后惟其讎后作類后弗類民不知后惟其  
怨民至億兆后一而已寡不敵衆后其危哉嗚呼

原闕

如之今爾執政小子惟以貪諛為事不勲德以備難  
下民胥怨財單竭手足靡措弗堪戴上不其亂而以予  
小臣良夫觀天下有土之君厥德不遠罔有代德時惟  
王之患其惟國人嗚呼惟爾執政朋友小子其惟洗爾

心改爾行克憂往愆以保爾居爾乃曠禍翫哉遂弗悛  
余未知王之所定矧乃□□惟禍發於人之攸忽於人  
之攸輕□不存焉變之攸伏爾執政小子不圖善偷生  
苟安爵以賄成賢智箝口小人鼓舌逃害要利並得厥  
求唯曰哀哉我聞曰以言取人人飾其言以行取人人  
竭其行飾言無庸竭行有成惟爾小子飾言事王寔蕃  
有徒王貌受之終弗獲用面相誣蒙及爾顛覆爾自謂  
有餘予謂爾弗足敬思以德備乃禍難難至而悔悔將

安及無曰予為惟爾之禍

國語厲王說榮夷公芮良夫曰王室其將畀乎夫榮公好專利而不知大難夫利百物之所生也天地之所載也而或專之其害多矣天地百物皆將取焉胡可專也所怒甚多而不備大難以是教王王能久乎夫王者將導利而布之上下者也使神人百物無不得其極猶日怵惕懼怨之來也故頌曰思文后稷克配彼天立我烝民莫匪爾極大雅曰陳錫載周是不布利而懼難乎

故能載周以至於今今王學專利其可乎匹夫專利猶

謂之盜王而行之其歸鮮矣榮公若用周必敗既榮公

為卿士諸侯不享王流于澠

史記厲王即位三十年好利近榮夷公大夫芮良夫

諫厲王不聽卒以榮公為卿士用事

厲王虐國人謗王召公告王曰民

不堪命矣王怒得衛巫使監謗者以告則殺之

史記其謗鮮矣

諸侯不朝三十四年王益嚴

國人莫敢言道路以目王喜告召公

曰吾能弭謗矣乃不敢言召公曰是韜之也防民之口

甚於防川壅而潰傷人必多民亦如之是故為川決



之使導為民者宣之使言故天子聽政使公卿至於列  
士獻詩瞽獻典史獻書師箴瞽賦矇誦百工諫庶人傳  
語近臣盡規親戚補察瞽史教誨耆艾修之而後王斟酌  
焉是以事行而不悖民之有口也猶土之有山川也  
財用於是乎出猶其有原隰衍沃也衣食於是乎生口  
之宣言也善敗於是乎興行善而備敗所以阜財用衣  
食者也夫民慮之於心而宣之於口成而行之胡可壅  
也若壅其口其與能幾何王弗聽於是國人莫敢出言

三年乃流王於彘

史記於是國莫敢出言三年乃相與畔襲厲王厲王出奔於彘厲王太子

靜匿召公之家

彘之亂宣王在召公之宮國人圍之召公曰

昔吾驟諫王王不從以及此難今殺王子王其以我為  
懟而怒乎夫事君者險而不懟怨而不怒况事王乎乃  
以其子代宣王宣王長而立之

史記太子竟得脫召公周公二相行政號曰共和共和  
十四年厲王死于彘太子靜長於召公家二相乃共立  
之為王是為宣王

魯連子衛州共城縣本周共伯之國也共伯名和好行仁義諸侯賢之周厲王無道國人作難王奔于彘諸侯奉和以行天子事號曰共和元年十四年厲王死于彘共伯使諸侯奉王子靖為宣王而共伯復歸國于衛也

呂氏春秋共伯和修其行好賢仁而海內皆以來為稽矣周厲之難天子曠紀而天下皆來請矣紀年共伯

干王位沈約注云大旱既久廬舍俱焚會汾王崩卜于太陽兆曰厲王為崇周公召公乃立太子靖共和遂歸

國和有至德尊之不喜廢之怒道遙得志於共山之首○莊子稱共伯得乎共首亦指此也諸書多言共伯

和史記獨言周召共政未知孰是

史記宣王即位二相輔之修政法文武成康之遺風諸侯復宗周

漢書宣王興師命將詩人美大其功曰薄伐獫狁至于

太原出車彭彭城彼朔方是時四夷賓服稱為中興引

詩前二句見六月篇後二句見出車篇是出車亦宣王詩也然史記匈奴列傳又以二詩在襄王之時所未聞

也宋符瑞志白狼宣王得之而犬戎服

詩六月棲棲戎車既飭四牡駉駉載是常服玃玃孔熾我是用急王于出征以匡王國比物四驪閑之維則維

此六月既成我服我服既成于三十里王于出征以佐  
天子四牡修廣其大有顛薄伐玁狁以奏膚公有嚴有  
翼共武之服共武之服以定王國玁狁匪茹整居焦穫  
侵鎬及方至于涇陽織文鳥章白旆央央元戎十乘以  
先啟行戎車既安如輕如軒四牡既佶既佶且閑薄伐  
玁狁至于大原文武吉甫萬邦為憲吉甫燕喜既多受  
祉來歸自鎬我行永久飲御諸友魚鼈膾鯉侯誰在矣  
張仲孝友 薄言采芑于彼新田于此菑畝方叔涖止

其車三千師干之試方叔率止乘其四騏四騏翼翼路  
車有甕簞第魚服鈎膺倅革薄言采芑于彼新田于此  
中鄉方叔泣止其車三千旂旒央央方叔率止約軼錯  
衡八鸞瑤瑤服其命服朱芾斯皇有瑤蔥珩旣彼飛隼  
其飛戾天亦集爰止方叔泣止其車三千師干之試方  
叔率止鉦人伐鼓陳師鞠旅顯允方叔伐鼓淵淵振旅  
闐闐蠢爾蠻荆大邦為讎方叔元老克壯其猶方叔率  
止執訊獲醜戎車嘽嘽嘽嘽焯焯如霆如雷顯允方叔

征伐玃狁蠻荆來威

詩序六月宣王北伐也鹿鳴廢則和樂缺矣四牡廢則君臣缺矣皇

皇者華廢則忠信缺矣常棣廢則兄弟缺矣伐木廢則朋友缺矣天保廢則福祿缺矣采芾廢則征伐缺矣出車廢則功力缺矣杜廢則師衆缺矣魚麗廢則法度缺矣南陔廢則孝友缺矣白華廢則庶耻缺矣華黍廢則蓄積缺矣由庚廢則陰陽失其道理矣南有嘉魚廢則賢者不安下不得其所矣崇丘廢則萬物不遂矣南山有臺廢則為國之基隊矣由儀廢則萬物失其道理矣蓼蕭廢則恩澤乖矣湛露廢則萬國離矣彤弓廢則諸夏衰矣菁菁者莪廢則無禮儀矣小雅盡廢則四夷交侵中國微矣采芑宣王南征也薛君章句元戎大戎謂兵車也車有大戎十乘謂車綬輪馬被甲衡扼之上盡有劔戟名曰陷軍之車所以冒突先啟敵家之行伍也韓詩傳佩玉上有蔥衡下有雙璜衡牙蠙珠以納其間

江漢浮浮武夫滔

滔匪安匪遊淮夷來求既出我車既設我旗匪安匪舒  
淮夷來鋪江漢湯湯武夫沈沈經營四方告成于王四  
方既平王國庶定時靡有爭王心載寧江漢之潁王命  
召虎式辟四方徹我疆土匪疚匪棘王國來極于疆于  
理至于南海王命召虎來旬來宣文武受命召公維翰  
無曰予小子召公是似肇敏戎公用錫爾祉釐爾圭瓚  
秬鬯一卣告于文人錫山土田于周受命自召祖命虎  
拜稽首天子萬年虎拜稽首對揚王休作召公考天子



萬壽明明天子令聞不已矢其文德洽此四國赫赫  
明明王命卿士南仲大祖大師皇父整我六師以修我  
戎既敬既戒惠此南國王謂尹氏命程伯休父左右陳  
行戒我師旅率彼淮浦省此徐土不留不處三事就緒  
赫赫業業有嚴天子王舒保作匪紹匪遊徐方繹騷震  
驚徐方如雷如霆徐方震驚王奮厥武如震如怒進厥  
虎臣闕如虢虎鋪敦淮漬仍執醜虜截彼淮浦王師之  
所王旅嘽嘽如飛如翰如江如漢如山之苞如川之流

絲絲翼翼不測不克濯征徐國王猶允塞徐方既來徐方既同天子之功四方既平徐方來庭徐方不回王曰

還歸

詩序江漢尹吉甫美宣王也能興衰撥亂命召公平淮夷常武召穆公美宣王也有常德以立武

事因以  
為戒然

崧高維嶽駿極于天維嶽降神生甫及申維

申及甫維周之翰四國于蕃四方于宣亶亶申伯王纘之事于邑于謝南國是式王命召伯定申伯之宅登是南邦世執其功王命申伯式是南邦因是謝人以作爾庸王命召伯徹申伯土田王命傅御遷其私人申伯之

功召伯是營有俶其城寢廟既成既成藐藐王錫申伯  
四牡騶騶鈎膺濯濯王遣申伯路車乘馬我圖爾居莫  
如南土錫爾介圭以作爾寶往近王舅南土是保申伯  
信邁王餞于郟申伯還南謝于誠歸王命召伯徹申伯  
土疆以峙其糗式遒其行申伯番番既入于謝徒御嘽  
嘽周邦咸喜戎有良翰不顯申伯王之元舅文武是憲  
申伯之德柔惠且直操此萬邦聞于四國吉甫作誦其  
詩孔碩其風肆好以贈申伯 天生烝民有物有則民

之秉彝好是懿德天監有周昭假于下保茲天子生仲  
山甫仲山甫之德柔嘉維則令儀令色小心翼翼古訓  
是式威儀是力天子是若明命使賦王命仲山甫式是  
百辟纘戎祖考王躬是保出納王命王之喉舌賦政于  
外四方爰發肅肅王命仲山甫將之邦國若否仲山甫  
明之既明且哲以保其身夙夜匪解以事一人人亦有  
言柔則茹之剛則吐之維仲山甫柔亦不茹剛亦不吐  
不侮矜寡不畏彊禦人亦有言德輶如毛民鮮克舉之

我儀圖之維仲山甫舉之愛莫助之衮職有闕維仲山  
甫補之仲山甫出祖四牡葉葉征夫捷捷每懷靡及四  
牡彭彭八鸞鏘鏘王命仲山甫城彼東方四牡駉駉八  
鸞啍啍仲山甫徂齊式造其歸吉甫作誦穆如清風仲  
山甫永懷以慰其心 奕奕梁山維禹甸之有倬其道  
韓侯受命王親命之纘戎祖考無廢朕命夙夜匪解虔  
共爾位朕命不易榦不庭方以佐戎辟四牡奕奕孔修  
且張韓侯入覲以其介圭入覲于王王錫韓侯淑旂綏

章簞第錯衡玄衮赤舄鉤膺鏤錫鞞鞞淺幟絳革金厄  
韓侯出祖出宿于屠顯父餞之清酒百壺其殺維何魚  
鼈鮮魚其藪維何維筍及蒲其贈維何乘馬路車籩豆  
有且侯氏燕胥韓侯取妻汾王之甥蹶父之子韓侯迎  
止于蹶之里百兩彭彭八鸞鏘鏘不顯其光諸娣從之  
祁祁如雲韓侯顧之爛其盈門蹶父孔武靡國不到為  
韓姑相攸莫如韓樂孔樂韓土川澤訏訏魴鱖甫甫鹿  
鹿嘒嘒有熊有羆有貓有虎慶既令居韓姑燕譽溥彼

韓城燕師所完以先祖受命因時百蠻王錫韓侯其追

其貊奄受北國因以其伯實墉實壑實畝實籍獻其貔

皮赤豹黃羆詩序崧高尹吉甫美宣王也天下復平能建國親諸侯褒賞申伯焉 烝民尹吉甫

美宣王也任賢使能周室中興焉

韓奕尹吉甫美宣王也能錫命諸侯

琴清英尹吉甫子伯竒至孝後母譖之自投江中衣荷

帶藻忽夢見水仙賜其美藥惟念養親揚聲悲歌船人

聞而學之吉甫聞船人之聲疑似伯竒援琴作子安之

操琴操履霜操尹伯竒所作也伯竒無罪為後母讒而見逐乃集艾荷以為衣採梔花以為食晨朝履霜自

傷見放於是援琴鼓之而作操曰履朝霜兮採晨寒考  
不明其心兮聽讒言孤息別離兮推肺肝何辜皇天兮  
遭此愆痛歿不同兮思有偏誰能流顧兮知我冤曲終  
投河而死伯奇放于野宣王出遊吉甫從乃作歌以  
言感之宣王聞之曰此孝子之辭也吉甫乃求伯奇于  
野而射殺後妻○別本與前異說苑王國子前母子  
伯奇後母子伯封後母欲其子立為太子說王曰伯奇  
好妾王不信其母曰令伯奇於後園妾過其旁王上臺  
觀之即可知王如其言伯奇入園後母陰取蜂十數置  
單衣中過伯奇曰蜂螫我伯奇就衣中取蜂殺之王遙  
見乃逐伯奇○劉攽曰是尹吉甫事王國未詳論衡  
伯奇放流首髮早白○孟子注云伯奇作小弁之詩曹  
植云尹吉甫殺伯奇其  
弟伯封作黍離之詩

詩我車既攻我馬既同四牡龐龐駕言徂東田車既好



四牡孔阜東有甫草駕言行狩之子于苗選徒噐噐建  
旒設旒搏獸于敖駕彼四牡四牡奕奕赤芾金舄會同  
有繹決拾既飲弓矢既調射夫既同助我舉柴四黃既  
駕兩驂不猗不失其馳舍矢如破蕭蕭馬鳴悠悠旆旌  
徒御不驚大庖不盈之子于征有聞無聲允矣君子展  
也大成 吉日維戊既伯既禱田車既好四牡孔阜升  
彼大阜從其羣醜吉日庚午既差我馬獸之所同麇鹿  
麇麇漆沮之從天子之所瞻彼中原其祁孔有儻儻俟

俟或羣或友悉率左右以燕天子既張我弓既挾我矢

發彼小豝殪此大兕以御賓客且以酌醴

詩序車攻宣王復古也宣

王能內修政事外攘夷狄復文武之竟土修車馬備器械復會諸侯於東都因田獵而選車徒焉吉日美宣

王田也能慎徽接下無不自盡以奉其上焉

石鼓文我車既攻我馬既同我車既好我馬既駒君子

爰獵爰獵爰遊麇鹿連連君子之求彎彎肉弓弓茲以

時我驅其時其來趨趨趨矣矣即御即時麇鹿趨趨

其來大塗我驅其僕其來趨趨射其獮屬

駒或作駟趨或作趨獮

或作  
澗

汧也泛泛丞彼淖淵鯉鯉處之君子漁之漫漫

有鯊其游趨趨白魚鱧鱧其道底鮮黃白其鱗又耐有

鮪其胡孔庶鸞之夔夔洋洋趨趨其魚惟何惟鱣惟鯉

何以橐之惟揚及柳

淖或作潮橐  
蘇氏作貫恐誤

田車孔安鑿勒

駟駟六師既簡左駟幡幡右駟駛駛我以濟于原我戎

止陸宮車其寫秀弓時射麋豕孔庶麇鹿雉兔其原有

旆其戎奔奔大車出洛惡獸白與我執而勿射多庶趨

趨君子乃樂

六師鄭作我衆與或作吳或云古文澤  
白澤獸名薛氏作畀字鄭氏疑即思字

帥彼鑿車忽速填如秀弓孔碩彤矢奕奕四馬其寫

六轡沃若徒駢孔庶廓騎宣博酋車載道如徒如章原

隰陰陽趨趨六馬射之簇簇有羶如虎獸鹿如兕怡爾

多賢循禽奉雉我兔允異

○廡或作廡鄭氏作鄠搏或作搏今按石篆以作搏如徒

之如或作戎

我來自東霑雨奔流逆湧盈盈滌隰君子既

涉我馬流汧汧也洎妻丞士駕言西歸舫舟自廓徒駢

連連維舟以道或陰或陽極深以戶出于水一方丞徒

徨止其奔我以阻其乃事

霑雨上古文苑有薄薄二字洎淒二字古文苑俱有重

文

宣猷作原作周導遄我辭攸除帥彼阪田莽為世

里希微緘緘乃罟漆栗柞械其拔櫪榕庸庸鳴條亞箬

其華何為所旂駉駉水蓋導旨樹幽晤

○阪舊作陟莽  
辭氏作莽字緘

辭氏作微庸或作邁駉  
辭氏作憂鄭氏作夔

徒我嘽嘽然而師旅填然會

同有繹以左戎障弓矢孔庶滔滔是熾射夫寫矢具奪

舉擘其徒盱來或羣或友悉率左右燕樂天子來嗣王

始振振復古我來攸止

○章氏云旅字下磨減二字施  
氏云左下有駉字盱鄭氏音吁

辭氏作  
肝非

彼走騏驎馬鹿皙皙華華雉匱位多庶微我

師氏憲憲文武可其一之 我水既淨我道既平我行

既止嘉樹則里天子永寧日惟丙申旭旭杲杲我其旁

導乘馬既迪殺夏康康駕彼四黃左驂駮駮右驂駮駮

駮駮以奕汝不執德播翰黎黎旒旒施施公謂大來余

及如茲邑曷不余及

○虜潘氏作用殺章氏  
作救駮駮下潘氏作識

虞人憐

亟朝夕儆惕載西載北勿掩勿伐若而出竒進獻用特

歸格藝祖告于大祝禘嘗受享致其方藝寓逢中囿孔

庶麀鹿原隰既坦疆理騶騶大田不搜君子何求有謀

有始周爰止于是

郑氏云即曠字若或云畢字曠或作蕃  
右今文





魚 泗 函 肩 淖 游

虞 止 君 子

止 滄 又 蕨 其 也

糸 與 纒 其 籃 氏 鮮

黃 糸 其 纒 又 纒 又

糸 如 以 止

纒 此

纒 纒

止 纒 楊 多 木

大 小 同 凡 凡 凡

釋 史


字

汗 鯉 處 出 君 子 遊  
 出 滄 又 蕨 其 也  
 黃 糸 其 纒 又 纒 又  
 鯉 其 胡 孔 屢 蘇 出  
 佳 纒 越 其 魚 佳 可  
 佳 纒 越 其 魚 佳 可  
 右 二 〇 辭 作 第 五 鄭 作 第 七 施  
 作 第 二 〇 辭 文 六 十 一 重 文 七 共  
 六 十 八 字 一 十 七 句 滿 字 無 重  
 音 訓 云 出 上 闕 囊 字 滿 字 無 重  
 文 十 鼓 中 唯 此 完 好 今 全 闕 者  
 十 五 字 半 闕 者 十 二 字 稍 見 者  
 三 字 諸 家 滿 有 重 文



鑿車攀瓶  
 弓子頤屏  
 馬其廩六  
 圖博齒車  
 徒如章遠  
 陽超  
 獸  
 賢  
 兒身

帥及鑿車攀瓶狀真  
 如秀弓孔頤形矢  
 哭四馬其寫六繼  
 若徒駿孔廣廊  
 騎靈博齒車甄衍  
 如徒如章遠陰  
 陽趨六馬馭出缺  
 又驅如虎獸鹿禽  
 象台迺多賢迪禽  
 右雄避冕允異  
 亦作第四辭作第四鄭作第五施  
 共七十一字一十六句九重文三  
 氏音訓首闕帥履二字真下闕  
 如秀二字闕沃若二字下闕  
 下闕騎字博作搏如徒之如作  
 戎缺下闕又猛二字如闕家  
 台迺三字禽下闕一隼避兔四  
 字今全闕者二十一字甲闕者  
 十五字稍見者四字



避來自東雨  
 奔逆湧盈洪  
 溼君既滄避  
 馬樹沂酸洎  
 承士駘言鹵  
 方舟自廊廷  
 連在舟呂或  
 陰或陽板濱  
 戶出于水一  
 丞徒違止其  
 避且其迪更  
 右五〇辭作  
 作第五辭文  
 六第十有淋  
 音訓猶有淋  
 陰或陽于水  
 者四十十六  
 者七字古文  
 二古洎淒俱  
 駿古文苑作  
 其奔其敬  
 其文諸家駿  
 作





往避嘽獸而師  
 旅真紂會同又  
 繹呂左戎璋弓  
 矢孔廣滔是戴  
 弋夫寫矢具復  
 并寧其珪而來  
 或羣或彘悉率  
 左嗣王始獲子  
 來戎來攸止  
 古戎來攸止  
 右七〇辭作第  
 作第七〇辭作  
 六十二字一第  
 音訓舊本有十  
 其寫矢具來子  
 來等字後剝落  
 止有四字全好  
 稍見而已

辰委騎馬廣哲  
夸雄兔太多廣  
微我師氏憲文  
武可其一出  
右第八〇辭作第六鄭作第七施  
作第八〇辭作第六鄭作第七施  
二十七八文二十三重文四共  
氏墨本有取走驕氏音訓云施  
雄立具一之心十四字余家舊  
本止微字存諸家無心字今此  
鼓磨減無文







月

皇 大 鹿 翻

吳人惠遜朝夕愆湯  
 飢而奇進獻用特  
 通格飢祖告于大祝  
 帝嘗受兪致其方  
 寓逢中關孔廣鹿  
 遼溼既坦疆理騶大  
 不控周爰止于是  
 又始周爰止于是  
 右第十〇辭作第十  
 作第十〇辭作第十  
 七十三字一十八句  
 音訓尚存吳人悉巫  
 二句成文并而用享  
 闕孔鹿避其歸大求  
 今正一又字全者六  
 疑非全文半闕者六  
 字小而少低

○石鼓詩十章周宣王獵碣也或云文王之鼓至宣王時刻詩或云成王大蒐于岐山之詩也詩於體屬小雅相傳為太史籀書漢書史籀十五篇周宣王太史作大篆

詩秩秩斯干幽幽南山如竹苞矣如松茂矣兄及弟矣式相好矣無相猶矣似續妣祖築室百堵西南其戶爰居爰處爰笑爰語約之閣閣掇之橐橐風雨攸除鳥鼠攸去君子攸芋如跂斯翼如矢斯棘如鳥斯革如翬斯飛君子攸躋殖殖其庭有覺其楹噲噲其正噦噦其冥君子攸寧下莞上簟乃安斯寢乃寢乃興乃占我夢吉

夢維何維熊維羆維虺維蛇大人占之維熊維羆男子  
之祥維虺維蛇女子之祥乃生男子載寢之牀載衣之  
裳載弄之璋其泣啍啍朱芾斯皇室家君王乃生女子  
載寢之地載衣之裼載弄之瓦無非無儀唯酒食是議  
無父母詒罹 誰謂爾無羊三百維羣誰謂爾無牛九  
十其牯爾羊來思其角濺濺爾牛來思其耳濕濕或降  
于阿或飲于池或寢或訛爾牧來思何蓑何笠或負其  
餼三十維物爾牲則具爾牧來思以薪以蒸以雌以雄

兩羊來思矜矜兢兢不騫不崩麾之以肱畢來既升牧

人乃夢衆維魚矣旒維旗矣大人占之衆維魚矣實維

豐年旒維旗矣室家漆漆

詩序斯干宣王考室也無羊宣王考牧也

鴻

鴈于飛肅肅其羽之子于征劬勞于野爰及矜人哀此

鰥寡鴻鴈于飛集于中澤之子于垣百堵皆作雖則劬

勞其究安宅鴻鴈于飛哀鳴嗷嗷維此哲人謂我劬勞

維彼愚人謂我宣驕

詩序鴻鴈美宣王也萬民離散不安其居而能勞來還定安集之至

于矜寡無不得其所焉

韓詩傳堵四十尺雉二百尺以板長八尺接五板而為堵接五堵而為雉

倬

彼雲漢昭回于天王曰於乎何辜今之人天降喪亂饑  
饉薦臻靡神不舉靡愛斯牲圭璧既卒寧莫我聽早既  
大甚蘊隆蟲蟲不殄禋祀自郊徂宮上下奠瘞靡神不  
宗后稷不克上帝不臨耗數下土寧丁我躬早既大甚  
則不可推兢兢業業如霆如雷周餘黎民靡有孑遺昊  
天上帝則不我遺胡不相畏先祖于摧早既大甚則不  
可沮赫赫炎炎云我無所大命近止靡瞻靡顧羣公先  
正則不我助父母先祖胡寧忍予早既大甚滌滌山川

早魃為虐如暎如焚我心憚暑憂心如熏羣公先正則  
不我聞昊天上帝寧俾我遯早既大甚黽勉畏去胡寧  
瘖我以旱慙不知其故祈年孔夙方社不莫昊天上帝  
則不我虞敬恭明神宜無悔怒旱既大甚散無友紀鞠  
哉庶正疚哉冢宰趣馬師氏膳夫左右靡人不周無不  
能止瞻印昊天云如何里瞻印昊天有嘒其星大夫君  
子昭假無贏大命近止無棄爾成何求為我以戾庶正  
瞻印昊天曷惠其寧

詩序雲漢仍叔美宣王也宣王承厲王之烈內有撥亂之志遇裁而

懼側身修行欲銷去之天下喜於王化復行百姓見憂故作是詩也。前編在六年大紀連年書早

列女傳周宣姜后賢而有德事非禮不言行非禮不動宣王常早卧晏起后夫人不出房姜后脫簪珥待罪於永巷使其傅母通言于王曰妾之不才妾之淫心見矣至使君王失禮而晏朝以見君王樂色而忘德也夫苟樂色必好奢窮欲亂之所興也原亂之興從婢子起敢請婢子之罪王曰寡人不德實自有過非夫人之罪也遂復姜后而勤於政事早朝晏退卒成中興之名君子

謂姜后善於威儀而有德行夫禮后夫人御于君以燭  
進至于君所滅燭適房中脫朝服衣褻服然後進御于  
君鷄鳴樂師擊鼓以告旦后夫人鳴佩而去

○前編引云卒成中

興之名為周世宗 琴錄周宣王有琴曰嚮風背銘云  
牆有耳伏冠在是武王之遺器也宣王每朝姜后輒以  
此銘援琴奏宣王  
於 是 益 兢 兢 不 忘

詩夜如何其夜未央庭燎之光君子至止鸞聲將將夜  
如何其夜未艾庭燎晰晰君子至止鸞聲噦噦夜如何  
其夜鄉晨庭燎有輝君子至止言觀其旂

詩序庭燎美宣王也因以



歲

鶴鳴于九臯聲聞于野魚潛在淵或在于渚樂彼

之園爰有樹檀其下維擇他山之石可以為錯鶴鳴于

九臯聲聞于天魚在于渚或潛在淵樂彼之園爰有樹

檀其下維穀他山之石可以攻玉

詩序鶴鳴  
誨宣王也

國語宣王即位不藉千畝虢文公諫曰不可夫民之大

事在農上帝之塗盛於是乎出民之蕃庶於是乎生事

之共給於是乎在餼協輯睦於是乎興財用蕃殖於是

乎始敦龐純固於是乎成是故稷為大官古者大史順

時覲土陽瘳憤盈土氣震發農祥晨正日月底于天廟  
土乃脉發先時九日大史告稷曰自今至于初吉陽氣  
俱丞土膏其動弗震弗渝脉其滿青穀乃不殖稷以告  
王曰史帥陽官以命我司事曰距今九日土其俱動王  
其祗被監農不易王乃使司徒咸戒公卿百吏庶民司  
空除壇於藉命農大夫咸戒農用先時五日瞽告有協  
風至王即齊宮百官御事各即其齊三日王乃淳濯饗  
醴及期鬱人薦鬯犧人薦醴王裸鬯饗醴乃行百吏庶

民畢從乃藉后稷監之膳夫農正陳藉禮大史贊王  
敬從之王耕一墾班三之庶人終於千畝其后稷省功  
大史監之司徒省民大師監之畢宰夫陳饗膳宰監之  
膳夫贊王王歆大牢班嘗之庶人終食是日也鼓帥音  
官以省風土廩於藉東南鍾而藏之而時布之於農稷  
則徧戒百姓紀農協功曰陰陽分布震雷出滯土不備  
墾辟在司寇乃命其旅曰徇農師一之農正再之后稷  
三之司空四之司徒五之大保六之大師七之大史八

之宗伯九之王則大徇耨獲亦如之民用莫不震動恪  
恭於農修其疆畔日服其罇不解於時財用不乏民用  
餼同是時也王事唯農是務無有求利於其官以干農  
功三時務農而一時講武故征則有威守則有財若是  
乃能媚於神而餼於民矣則享祀時至而布施優裕也  
今天子欲修先王之緒而棄其大功匱神乏祀而困民  
之財將何以求福用民王弗聽

○史記附十二年前編  
因之紀年三十年有

兔舞于鎬京三十二年有馬  
化為人三十七年有馬化為狐

詩沔彼流水朝宗于海旣彼飛隼載飛載止嗟我兄弟  
邦人諸友莫肯念亂誰無父母沔彼流水其流湯湯旣  
彼飛隼載飛載揚念彼不蹟載起載行心之憂矣不可  
弭忘旣彼飛隼率彼中陵民之訛言寧莫之懲我友敬

矣讒言其興

詩序沔水規宣王也

後漢書王伐條戎

隰戎人滅姜侯之邑明年王征申戎破之史記自造  
父以下六世至奄父曰公仲周宣王時伐戎為御及千

畝戰奄父

脫宣王

國語三十九年戰於千畝王師敗績於姜氏之戎宣王

既喪南國之師乃料民於大原仲山父諫曰民不可料也夫古者不料民而知其少多司民協孤終司商協名姓司徒協旅司寇協姦牧協職工協革場協入廩協出是則少多死生出入往來者皆可知也於是乎又審之以事王治農於藉蒐於農隙耨穫亦於藉獮於既丞狩於畢時是皆習民數者也又何料焉不謂其少而大料之是示少而惡事也臨政示少諸侯避之治民惡事無以賦令且無故而料民天之所惡也害於政而妨於後

嗣王卒料之及幽王乃廢滅

○前編料民  
在四十年

詩祈父子王之爪牙胡轉予于恤靡所止居祈父子王之爪士胡轉予于恤靡所底止祈父亶不聰胡轉予于恤有母之尸饗 皎皎白駒食我場苗繫之維之以永今朝所謂伊人於焉道遙皎皎白駒食我場藿繫之維之以永今夕所謂伊人於焉嘉客皎皎白駒責然來思爾公爾侯逸豫無期慎爾優游勉爾遁思皎皎白駒在彼空谷生芻一束其人如玉母金玉爾音而有遐心

黃鳥黃鳥無集于穀無啄我粟此邦之人不我肯穀言  
旋言歸復我邦族黃鳥黃鳥無集于桑無啄我梁此邦  
之人不可與明言旋言歸復我諸兄黃鳥黃鳥無集于  
栩無啄我黍此邦之人不可與處言旋言歸復我諸父  
我行其野蔽芾其樛昏姻之故言就爾居爾不我畜  
復我邦家我行其野言采其葍昏姻之故言就爾宿爾  
不我畜言歸思復我行其野言采其菑不思舊姻求我  
新特成不以富亦祗以異

詩序祈父刺宣王也

大夫刺宣王也 黃鳥刺宣

白駒



王也 我行其野刺宣王也 數術記遺周宣王時有人採薪於郊聞歌曰金虎入門呼長精吸玄泉時人莫能知其義老君曰太白入昴兵其亂

列子公儀伯以力聞於諸侯堂谿公言之於周宣主王備禮以聘之公儀伯至觀形懦夫也宣王心惑而疑曰女之力何如公儀伯曰臣之力能折春螽之股堪秋蟬之翼王作色曰吾之力者能裂犀兕之革曳九牛之尾猶憾其弱女折春螽之股堪秋蟬之翼而力聞天下何也公儀伯長息退席曰善哉王之問也臣敢以實對臣

之師有商丘子者力無敵於天下而六親不知以未嘗用其力故也臣以死事之乃告臣曰人欲見其所不見視人所不窺欲得其所不得修人所不為故學視者先見輿薪學聽者先聞撞鐘夫有易於內者無難於外於外無難故名不出其一家今臣之名聞於諸侯是臣違師之教顯臣之能者也然則臣之名不以負其力者也以能用其力者也不猶愈於負其力者乎周宣王之牧正有役人梁鶯者能養野禽獸委食於園庭之內雖

虎狼鷓鴣之類無不柔馴者雌雄在前孳尾成羣異類  
雜居不相搏噬也王慮其術終於其身令毛丘園傳之  
梁鴛曰鴛賤役也何術以告爾懼王之謂隱於爾也且  
一言我養虎之法凡順之則喜逆之則怒此有血氣者  
之性也然喜怒豈妄發哉皆逆之所犯也夫食虎者不  
敢以生物與之為其殺之之怒也不敢以全物與之為  
其碎之之怒也時其饑飽達其怒心虎之與人異類而  
媚養已者順也故其殺之逆也然則吾豈敢逆之使怒

哉亦不順之使喜也夫喜之復也必怒怒之復也常喜  
皆不中也今吾心無逆順者也則鳥獸之視吾猶其儕  
也故遊吾園者不思高林曠澤寢吾庭者不願深山幽  
谷理使然也 紀消子為周宣王養鬪雞十日而問雞  
可鬪已乎曰未也方虛驕而恃氣十日又問曰未也猶  
應影響十日又問曰未也猶疾視而盛氣十日又問曰  
幾矣雞雖有鳴者已無變矣望之似木雞矣其德全矣  
異雞無敢應者反走耳

○列子大  
抵寓言耳

說苑左儒友於杜伯皆臣周宣王宣王將殺杜伯而非其罪也左儒爭之於王九復之而王弗許也王曰別君而異友斯汝也左儒對曰臣聞之君道友逆則順君以誅友友道君逆則率友以違君王怒曰易而言則生不易而言則死左儒對曰臣聞古之士不枉義以從死不  
易言以求生故臣能明君之過以死杜伯之無罪王殺杜伯左儒死之

墨子周宣王殺其臣杜伯而不辜杜伯曰吾君殺我而

不辜若以死者為無知則止矣若死而有知不出三年必使吾君知之其三年周宣王合諸侯而田於圃田車數百乘從數千人滿野日中杜伯乘白馬素車朱衣冠執朱弓挾朱矢追周宣王射入車上中心折脊殪車中

伏弢而死

周春秋周杜國之伯名為恒為周大夫宣王之妾曰女鳩欲通之杜伯不可女鳩訴之宣

王曰恒竊與妾交宣王信之因杜伯于焦其友左儒爭之九諫而王不聽王使薛甫與司工錡殺杜伯左儒死之杜伯既死為人見王曰恒之罪何哉名祝而以杜伯語告之祝曰始殺杜伯誰與王謀之王曰司工錡也祝曰何不殺錡以謝之宣王乃殺錡使祝以謝杜伯司工錡為人而至曰臣何罪之有宣王告皇甫曰祝也與我

謀而殺人吾所殺者又皆為人而見奈何皇甫曰殺祝以蕪謝焉又無益也皆為人而至祝亦曰我焉知之奈何以為罪而殺臣也後三年遊于圃田從人滿野日中杜伯乘白馬素車司工錡為左祝為右朱衣朱冠起於道左執朱弓朱矢射宣王中心折脊伏於弓矢而死○國語云杜伯射王于鄣注引周春秋其文不悉顏之推冤魂志所引頗詳

史記四十六年宣王崩子幽王宮涅立

周自懿王之世王室遂衰孝王封非子為附庸邑於秦秦之有國自此始夷王陵替下堂而見諸侯諸侯更相侵伐而楚僭王號於江漢之間厲王之初立也

諸侯畏之荆楚自去其王三十年閒天下無事周室尚可為也乃專利恣虐所任者榮夷衛巫縶公長父之流羣小用事而召穆芮伯交諫不聽大雅規制充耳罔聞卒致民不堪命聚而作難相與攻襲厲王王奔於彘此民變之始也彘在河汾之間詩人謂之汾王太子靜匿召公之家共和行政共和云者不知周召之共政與抑共伯之干位與是時天子曠紀內難不興外變不作海內寧謐謂非大臣秉國居中而善



馭乎文武成康之德澤入人深乎垂法之可守封建  
之交相持乎宣王長而嗣位二相輔之勤身修政天  
下宗周時則北伐玁狁有文武之吉甫南征蠻荆有  
壯猶之方叔召虎秦江漢之勳南仲佐淮浦之烈詩  
人美大其功采芑六月諸篇所由作也爰命仲山甫  
錫韓侯褒申伯修內攘外復文武之竟土蒐田復古  
考牧築室又能遇災知懼側身修行是以王道燦然  
復舉成中興之烈為周世宗焉從來國家之興必起

於憂危其衰也常由於逸豫人主之勤惕多生於患  
難而懈怠恒積於晏安宣承厲王之亂恐懼克勵所  
以興也怠其後天下安寧深宮晏起宣王之志荒矣  
於是不藉千畝料民太原立魯侯不以適殺杜伯而  
非其罪所為如此安得而不復衰幽王繼之不數年  
而君弑國亡周遂東遷一蹟不復起矣夫人君撥亂  
反正必百倍其功救弊振衰然後可以持久而宣王  
末政如是其何以長世蓋非有初之難而克終之難

也傳曰夷厲宣幽而貪天禍豈無謂哉

繹史卷二十七

欽定四庫全書

繹史卷二十八

靈壁縣知縣馬驪撰

列國傳世

魯

姬姓侯爵周公子魯公伯禽封於曲阜傳至隱公元年為春秋託始

史記魯公伯禽卒子考公首立

帝王世紀伯禽以成王元年封四十六年康王

十六年卒

漢書魯公伯禽推即位四十六年至康王

十六年而薨故傳曰變父禽父並事康王言晉侯燹魯

公伯禽俱事康王也子考公就立首○

考公四年卒

又言首者諸說名字或不同也下倣此

立弟熙是謂煬公

漢書考公即位四年及煬公熙立○及者兄弟相及也下倣此

煬

公築茅闕門六年卒子幽公宰立

世本煬公徙魯漢書煬公即位六十年

子幽公宰立

幽公十四年幽公弟潰殺幽公而自立是為

魏公

漢書幽公即位十四年及微公弟立潰

魏公五十年卒子厲公擢

立

漢書微公即位五十年子厲公擢立翟

厲公三十七年卒魯人立其

弟具是為獻公

漢書厲公即位三十七年及獻公具立

獻公三十二年

卒子真公湏立

漢書獻公即位五十年子慎公執立湏帝王世紀獻公三十六年

真

公十四年周厲王無道出奔彘共和行政二十九年周

宣王即位三十年真公卒弟敖立是為武公

漢書慎公即位三十

年及武  
公教立

武公九年春武公與長子括少子戲西朝周

宣王

國語魯武公以括與戲見王王立戲樊仲山父諫曰不  
可立也不順必犯犯王命必誅故出令不可不順也令  
之不行政之不立行而不順民將棄上夫下事上少事  
長所以為順也今天子立諸侯而建其少是教逆也若  
魯從之而諸侯倣之王命將有所壅若不從而誅之是  
自誅王命也是事也誅亦失不誅亦失天子其圖之王

卒立之魯侯歸而卒及魯人殺懿公而立伯御三十二年宣王伐魯立孝公諸侯從是不睦

史記夏武公歸而卒戲立是為懿公

漢書武公即位二年子懿公被立戲

懿公九年懿公兄括之子伯御與魯人攻弑懿公而

立伯御為君

漢書懿公即位九年兄子伯御立

伯御即位十一年周

宣王伐魯殺其君伯御乃立稱於夷宮是為孝公

漢書伯御

即位十一年叔父孝公稱立臧氏之寡也伯御攻殺懿公而自立求公子稱於宮將

列女傳孝公稱之保母

殺之保乃衣其子以稱之衣臥於稱之處伯御殺之保遂抱稱以出十一年魯大夫皆知稱之在保於是請周



天子殺伯御立稱是為孝公。○孝公之子  
彊是始為臧氏。此輒云臧氏之寡誤也。

國語宣王欲得國子之能導訓諸侯者樊穆仲曰魯侯  
孝王曰何以知之對曰肅恭明神而敬事耆老賦事行  
刑必問於遺訓而咨於故實不干所問不犯所咨王曰  
然則能訓治其民矣乃命魯孝公於夷宮

史記孝公二十五年諸侯畔周犬戎殺幽王二十七年

孝公卒子弗湟立是為惠公

漢書孝公即位二十七年  
子惠公皇立○年表惠公

名弗 四十六年惠公卒長庶子息攝當國行君事是

為隱公

漢書惠公即位四十六年子隱公息立凡伯禽至春秋三百八十六年世本隱公名息姑

齊

姜姓侯爵太公望封於營丘傳至僖公九年入春秋

史記蓋太公之卒百有餘年子丁公呂伋立丁公卒子

乙公得立乙公卒子癸公慈母立

世本祭公慈母古史考祭公慈心

癸公卒子哀公不辰立

世本哀公不臣

詩雞既鳴矣朝既盈矣匪雞則鳴蒼蠅之聲東方明矣

朝既昌矣匪東方則明月出之光蟲飛薨薨甘與子同

夢會且歸矣無庶子子憎

詩序雞鳴思賢妃也哀公荒淫怠慢故陳賢妃貞女夙夜

警戒相成之道焉

子之還兮遭我乎狃之閒兮並驅從兩肩

兮揖我謂我儂兮子之茂兮遭我乎狃之道兮並驅從

兩牡兮揖我謂我好兮子之昌兮遭我乎狃之陽兮並

驅從兩狼兮揖我謂我臧兮

詩序還刺荒也哀公好田獵從禽獸而無厭國人化

之遂成風俗習於田獵謂之賢閑於馳逐謂之好焉

俟我於著乎而充耳以素

乎而尚之以瓊華乎而俟我於庭乎而充耳以青乎而

尚之以瓊瑩乎而俟我於堂乎而充耳以黃乎而尚之

以瓊英乎而

詩序著刺時也時不親迎也

東方之日兮彼姝者子

在我室兮在我室兮履我即兮東方之月兮彼姝者子

在我閨兮在我閨兮履我發兮

詩序東方之日刺哀也君臣失道男女淫奔不

能以禮化也

東方未明顛倒衣裳顛之倒之自公召之東

方未晞顛倒裳衣倒之顛之自公令之折柳樊圃狂夫

瞿瞿不能晨夜不夙則莫

詩序東方未明刺無節也朝廷興居無節號令不時挈壺

氏不能掌其職焉○鄭譜五詩俱屬哀公然著以下三篇序不言哀公恐未必然也

史記哀公時紀侯譖之周周烹哀公而立其弟靜是為

胡公

紀年周夷王三年致諸侯翦齊哀公昴

禮記太公封於營丘比及五世皆反葬於周君子曰樂樂其所自生禮不忘其本古之人有言曰狐死正首丘

仁也

○檀弓

史記胡公徙都薄姑而當周夷王之時哀公之同母少弟山怨胡公乃與其黨率營丘人襲攻殺胡公而自立是為獻公獻公元年盡逐胡公子因徙薄姑都治臨菑九年獻公卒子武公壽立二十六年武公卒子厲公無忌立厲公暴虐故胡公子復入齊齊人欲立之乃與攻

殺厲公胡公子亦戰死齊人乃立厲公子赤為君是為

文公而誅殺厲公者七十人文公十二年卒子成公脫

立

世本成  
公名說

成公九年卒子莊公購立

世本莊  
公名購

六十

四年莊公卒子釐公祿甫立釐公九年魯隱公初立

史○

記凡僖字  
皆作釐

燕 姬姓伯爵召公封於燕九世至惠侯  
春秋時國小僻遠至簡公始見經傳

史記自召公已下九世至惠侯燕惠侯當周厲王奔彘

共和之時惠侯卒子釐侯立三十六年釐侯卒子頃侯

立二十四年頃侯卒子哀侯立哀侯二年卒子鄭侯立  
鄭侯三十六年卒子繆侯立繆侯七年而魯隱公元年  
也

宋

子姓公爵微子啓封於商丘弟  
微仲嗣傳至穆公七年入春秋

史記微子開卒立其弟衍是為微仲微仲卒子宋公稽  
立宋公稽卒子丁公申立丁公申卒子湑公共立湑公  
共卒弟煬公熙立場公即位湑公子鮒祀弒煬公而自  
立曰我當立是為厲公厲公卒子釐公舉立二十八年

釐公卒子惠公覲立三十年惠公卒子哀公立哀公元  
年卒子戴公立三十四年戴公卒子武公司空立十八  
年武公卒子宣公力立十九年宣公卒弟和立是為穆  
公

衛

姬姓侯爵康叔封於朝歌  
傳至桓公十三年入春秋

史記康叔卒子康伯伐立康伯卒子考伯立考伯卒子  
嗣伯立嗣伯卒子康伯立康伯卒子靖伯立靖伯卒子  
貞伯立貞伯卒子頃侯立



詩汎彼栢舟亦汎其流耿耿不寐如有隱憂微我無酒  
以教以遊我心匪鑿不可以茹亦有兄弟不可以據薄  
言往愬逢彼之怒我心匪石不可轉也我心匪席不可  
卷也威儀棣棣不可選也憂心悄悄愠于羣小覲閔既  
多受侮不少靜言思之寤辟有標日居月諸胡迭而微  
心之憂矣如匪澣衣靜言思之不能奮飛

詩序栢舟言  
仁而不遇也

衛頃公之時仁而  
不遇小人在側

史記頃侯厚賂周夷王夷王命衛為侯頃侯立十二年

卒子釐侯立四十二年釐侯卒太子共伯餘立為君共伯弟和有寵於釐侯多子之賂和以其賂賂士以襲攻共伯於墓上共伯入釐侯美自殺衛人因葬之釐侯旁諡曰共伯而立和為衛侯是為武公

詩汎彼栢舟在彼中河髡彼兩髦實維我儀之死矢靡他母也天只不諒人只汎彼栢舟在彼河側髡彼兩髦實維我特之死矢靡慝母也天只不諒人只

詩序栢舟共姜自誓

也衛世子共伯蚤死其妻守義父母欲奪而嫁之誓而弗許故作是詩以絕之○此言共伯蚤死非立而和殺

之也。蘓子古史云：武公賢者，無奪適之事故。史遷所載疑而不錄。

史記武公即位修康叔之政百姓和集

詩瞻彼淇奧綠竹猗猗有匪君子如切如磋如琢如磨  
瑟兮僊兮赫兮咺兮有匪君子終不可諼兮瞻彼淇奧  
綠竹青青有匪君子充耳琇瑩會弁如星瑟兮僊兮赫  
兮咺兮有匪君子終不可諼兮瞻彼淇奧綠竹如簣有

匪君子如金如錫如圭如璧寬兮綽兮猗重較兮善戲

詭兮不為虐兮

詩序淇奧美武公之德也有文章又能聽其規諫以禮自防故能入相於周美

而作是詩也

賓之初筵左右秩秩籩豆有楚穀核維旅酒

既和旨飲酒孔偕鐘鼓既設舉醕逸逸大侯既抗弓矢  
斯張射夫既同獻爾發功發彼有的以祈爾爵鴛舞笙  
鼓樂既和奏丞衍烈祖以洽百禮百禮既至有壬有林  
錫爾純嘏子孫其湛其湛曰樂各奏爾能賓載手仇室  
人入又酌彼康爵以奏爾時賓之初筵溫溫其恭其未  
醉止威儀反反曰既醉止威儀幡幡舍其坐遷屢舞僂  
僂其未醉止威儀抑抑曰既醉止威儀忸忸是曰既醉

不知其秩賓既醉止載號載嘯亂我籩豆屢舞傲傲是  
曰既醉不知其郵側弁之俄屢舞僭僭既醉而出並受  
其福醉而不出是謂伐德飲酒孔嘉維其令儀凡此飲  
酒或醉或否既立之監或佐之史彼醉不臧不醉反恥  
式勿從謂無俾大怠匪言勿言匪由勿語由醉之言俾

出童殺三爵不識矧敢多又

詩序賓之初筵衛武公刺時也幽王荒廢媒近小人

飲酒無度天下化之君臣上下沈湎淫泆武公既入而作是詩也韓詩序賓之初筵衛武公飲酒悔過也○

朱子曰當從韓義

抑抑威儀維德之隅人亦有言靡哲不愚

庶人之愚亦職維疾哲人之愚亦維斯戾無競維人四方其訓之有覺德行四國順之訐謨定命遠猶辰告敬慎威儀維民之則其在于今興迷亂于政顛覆厥德荒湛于酒女雖湛樂從弗念厥紹罔敷求先王克共明刑肆皇天弗尚如彼泉流無淪胥以亡夙興夜寐酒掃廷內維民之章修爾車馬弓矢戎兵用戒戎作用邊蠻方質爾人民謹爾侯度用戒不虞慎爾出話敬爾威儀無不柔嘉白圭之玷尚可磨也斯言之玷不可為也無易

由言無曰苟矣莫捫朕舌言不可逝矣無言不讎無德  
不報惠于朋友庶民小子子孫繩繩萬民靡不承視爾  
友君子輯柔爾顏不遐有愆相在爾室尚不愧于屋漏  
無曰不顯莫予云覲神之格思不可度思矧可射思辟  
爾為德俾臧俾嘉淑慎爾止不愆于儀不僭不賊鮮不  
為則投我以桃報之以李彼童而角實虹小子荏染柔  
木言緡之絲溫溫恭人維德之基其維哲人告之話言  
順德之行其維愚人覆謂我僭民各有心於乎小子未

知臧否匪手攜之言示之事匪面命之言提其耳借曰  
未知亦既抱子民之靡盈誰夙知而莫成昊天孔昭我  
生靡樂視爾夢夢我心慘慘誨爾諄諄聽我藐藐匪用  
為教覆用為虐借曰未知亦聿既耄於乎小子告爾舊  
止聽用我謀庶無大悔天方艱難曰喪厥國取譬不遠  
昊天不忒回遘其德俾民大棘

詩序抑衛武公刺厲王亦以自警也○衛武公

不與厲王同時朱子據國語左史倚相之言以為序稱刺厲王者失之而曰自警者得之也說見本註

史記五十五年卒子莊公揚立



陳

媯姓侯爵胡公滿封于陳傳  
至桓公二十三年入春秋

史記胡公卒子申公犀侯立申公卒弟相公臯羊立相

公卒立申公子突是為孝公孝公卒子慎公圉戎立慎

公當周厲王時

○胡公傳四世即及  
周厲王其誤可知

慎公卒子幽公

寧立

詩子之湯兮宛丘之上兮洵有情兮而無望兮坎其擊

鼓宛丘之下無冬無夏值其鷺羽坎其擊缶宛丘之道

無冬無夏值其鷺翮

東門之枌宛丘之栩子仲之子

婆婆其下穀旦于差南方之原不績其麻市也婆婆穀

曰于逝越以駿邁視爾如收貽我握椒

詩序宛丘刺幽公也淫荒昏亂

游蕩無度焉東門之扮疾亂也幽公淫亂風化之所行男女棄其舊業亟會於道路歌舞於市井爾

史記二十三年幽公卒子釐公孝立釐公六年周宣王

即位

詩衡門之下可以棲遲泌之洋洋可以樂飢豈其食魚  
必河之魴豈其取妻必齊之姜豈其食魚必河之鯉豈  
其取妻必宋之子東門之池可以漚麻彼美淑姬可

與晤歌東門之池可以漚紵彼美淑姬可與晤語東門之池可以漚管彼美淑姬可與晤言 東門之揚其葉

牂牂昏以為期明星煌煌東門之揚其葉肺肺昏以為

期明星皙皙

詩序衡門誘僖公也愿而無立志故作是詩以誘掖其君也 東門之池刺時也疾

其君之淫昏而思賢女以配君子也 東門之揚刺時也昏姻失時男女多違親迎女猶有不至者也

史記三十六年釐公卒子武公靈立武公十五年卒子

夷公說立夷公三年卒弟平公變立二十三年平公卒

子文公圉立文公元年取蔡女生子佗十年文公卒長

子桓公鮑立桓公二十三年魯隱公初立

蔡

姬姓侯爵蔡叔子蔡仲封傅至宣公二十八年入春秋

史記蔡仲卒子蔡伯荒立蔡伯荒卒子宮侯立宮侯卒子厲侯立厲侯卒子武侯立武侯卒子夷侯立二十八年夷侯卒子釐侯所事立四十八年釐侯卒子共侯興立共侯二年卒子戴侯立戴侯十年卒子宣侯措父立

一本  
作考父

宣侯二十八年魯隱公初立

曹

姬姓伯爵叔振鐸封于曹傳至桓公三十五年入春秋

史記叔振鐸卒子太伯脾立太伯卒子仲君平立仲君  
平卒子宮伯侯立宮伯侯卒子孝伯雲立孝伯雲卒子  
夷伯喜立夷伯三十年卒弟幽伯彊立幽伯九年弟蘓  
殺幽伯代立是為戴伯三十年戴伯卒子惠伯兕立三  
十六年惠伯卒子石甫立其弟武殺之代立是為繆公  
繆公三年卒子桓公終生立桓公三十五年魯隱公立

杞如姓侯爵東樓公封傳至  
武公二十九年入春秋

史記東樓公生西樓公西樓公生題公題公生謀娶公

謀娶公當周厲王時

○東樓公傳三世即及厲王尤誤

謀娶公生武

公武公立四十七年卒子靖公立靖公二十三年卒子

共公立共公八年卒子德公立德公十八年卒弟桓公

姑容立

世本共公生惠公惠公立十八年生成公及桓公成公立十八年桓公立十七年○史脫惠公

一世又以成公為德公也

晉

姬姓侯爵叔虞封唐其子燮改號晉傳至昭侯而別封成師于曲沃晉分為二入春秋再

傳而曲

沃并晉

史記唐叔子燮是為晉侯晉侯子寧族是為武侯武侯

之子服人是為成侯成侯子福是為厲侯厲侯之子宜  
曰是為靖侯靖侯已來年紀可推自唐叔至靖侯五世  
無其年數十八年靖侯卒子釐侯司徒立

詩蟋蟀在堂歲聿其莫今我不樂日月其除無已大康  
職思其居好樂無荒良士瞿瞿蟋蟀在堂歲聿其逝今  
我不樂日月其邁無已大康職思其外好樂無荒良士  
蹶蹶蟋蟀在堂役車其休今我不樂日月其怵無已大

康職思其憂好樂無荒良士休休

詩序蟋蟀刺晉僖公也儉不中禮故作是

詩以閔之欲其及時以禮自娛樂也此晉也而謂之唐本其風俗憂深思遠儉而用禮乃有堯之遺風焉

史記十八年釐侯卒子獻侯籍立獻侯十一年卒子穆侯費王立二十七年穆侯卒弟殤叔自立太子仇出奔四年穆侯太子仇率其徒襲殤叔而立是為文侯三十五年文侯仇卒子昭侯伯立

楚

芊姓子爵熊繹封於楚蠻傳至武王十九年入春秋

史記熊繹生熊艾熊艾生熊黜熊黜生熊勝熊勝以弟熊揚為後熊揚生熊渠

新序楚熊渠子夜行見寢石以為伏虎關弓射之滅矢飲羽下



視知石也却復射之矢推無迹熊渠子見其誠心而金石為之開况人心乎

熊渠生子三

人當周夷王之時王室微諸侯或不朝相伐熊渠甚得江漢閭民和乃興兵伐庸揚粵至于鄂熊渠曰我蠻夷也不與中國之號諡乃立其長子康為句亶王中子紅為鄂王少子執疵為越章王皆在江上楚蠻之地

大戴禮記

熊渠有子三人其孟之名為無康為句亶王其中之名為紅為鄂王其季之名為疵為越章王 世本熊庸為句亶王疵為就章王 及周厲王之時暴虐熊渠畏其伐楚亦去

其王後為熊毋康毋康蚤死熊渠卒子熊摯紅立摯紅

率其弟弒而代立曰熊延

古史考熊渠率子熊翔立率長子摯有疾少子熊延立○

此與史記不同宋均注樂緯云熊摯有疾不傳為後別居於夔後曰夔子也

熊延生熊勇

熊勇十年卒弟熊嚴為後能嚴十年卒有子四人長子

伯霜中子仲雪次子叔堪少子季徇能嚴率長子伯霜

代立是為熊霜熊霜六年卒三弟爭立仲雪死叔堪亡

避難於濮而少弟季徇立是為熊徇二十二年熊徇卒

子熊罟立熊罟九年卒子熊儀立是為若敖二十七年

若敖卒子熊坎立是為霄敖霄敖六年卒子熊駒立是

為蚡冒蚡冒十七年卒蚡冒弟熊通弑蚡冒子而代立

是為楚武王

韓非子楚厲王有警為鼓以與百姓為戍飲酒醉過而擊之也民大驚使人止曰吾

醉而與左右戲過擊之也民皆罷居數月有警擊鼓而民不赴乃更令明號而民信之楚人和氏得玉璞楚

山中奉而獻之厲王厲王使玉人相之玉人曰石也王以和為誑而刖其左足及厲王薨武王即位和又奉其

璞而獻之武王武王使玉人相之又曰石也王又以和為誑而刖其右足武王薨文王即位和乃抱其璞而哭

于楚山之下三日三夜淚盡而繼之以血王聞之使人問其故曰天下之刖者多矣子奚哭之悲也和曰吾非

悲則也悲夫寶玉而題之以石貞士而名之以誑此吾所以悲也王乃使玉人理其璞而得寶焉遂命曰和氏

之璧○史無楚厲王據此是蚡冒也琴操稱卞和得玉璞以獻懷王懷王死和又獻其子平王平王乃懷王遠

祖也  
大誤

吳

姬姓子爵太伯之後周章已君吳因而封  
之傳至壽夢始大魯成公七年見春秋

史記周章卒子熊遂立熊遂卒子柯相立柯相卒子彊  
鳩夷立彊鳩夷卒子餘橋疑吾立餘橋疑吾卒子柯盧  
立柯盧卒子周繇立周繇卒子屈羽立屈羽卒子夷吾  
立夷吾卒子禽處立禽處卒子轉立轉卒子頗高立頗  
高卒子句卑立句卑卒子去齊立去齊卒子壽夢立

秦

嬴姓伯爵周孝王始封非子為附庸傳至襄  
公送平王東遷有功始為諸侯子文公四十

四年入  
春秋

史記惡來革者蜚廉子也蚤死有子曰女防女防生旁  
臯旁臯生太几太几生大駱大駱生非子以造父之寵  
皆蒙趙城姓趙氏非子居犬丘好馬及畜善養息之犬  
丘人言之周孝王孝王召使主馬于汧渭之間馬大蕃  
息孝王欲以為大駱適嗣申侯之女為大駱妻生子成  
為適申侯乃言孝王曰昔我先酈山之女為戎胥軒妻  
生中湑以親故歸周保西垂西垂以其故和睦今我復

與大駱妻生適子成申駱重婚西戎皆服所以為王王其圖之於是孝王曰昔伯翳為舜主畜畜多息故有土賜姓嬴今其後世亦為朕息馬朕其分土為附庸邑之秦使復續嬴氏祀號曰秦嬴亦不廢申侯之女子為駱適者以和西戎秦嬴生秦侯秦侯立十年卒生公伯公伯立三年卒生秦仲秦仲立三年周厲王無道諸侯或叛之西戎反王室滅犬丘大駱之族周宣王即位乃以秦仲為大夫誅西戎

詩有車鄰鄰有馬白顛未見君子寺人之令阪有漆隰  
有栗既見君子並坐鼓瑟今者不樂逝者其耄阪有桑  
隰有楊既見君子並坐鼓簧今者不樂逝者其亡

詩序  
車鄰

美秦仲也秦仲始大有  
車馬禮樂侍御之好焉

史記西戎殺秦仲秦仲立二十三年死於戎有子五人  
其長者曰莊公周宣王乃召莊公昆弟五人與兵七千  
人使伐西戎破之於是復予秦仲後及其先大駱地犬  
丘并有之為西垂大夫莊公居其故西犬丘生子三人

其長男世父世父曰戎殺我大父仲我非殺戎王則不敢入邑遂將擊戎讓其弟襄公襄公為太子莊公立四十四年卒太子襄公代立襄公元年以女弟繆嬴為豐王妻襄公二年戎圍犬丘世父世父擊之為戎人所虜歲餘復歸世父七年平王封襄公為諸侯賜之岐以西之地曰戎無道侵奪我岐豐之地秦能攻逐戎即有其地與誓封爵之襄公於是始國與諸侯通使聘享之禮秦襄公既侯居西垂自以為主少皞之神作西時祠



白帝其牲用駟駒黃牛牴羊各一云

○本紀云各三

詩駟馘孔阜六轡在手公之媚子從公于狩奉時辰牡辰牡孔碩公曰左之舍拔則獲遊于北園四馬既閑

輶車鸞鑣載獫馘駟

詩序駟馘美襄公也始命有田狩之事園囿之樂馬

小戎

收五檠梁輶游環脅驅陰鞞蓋續文茵暢敷駕我騏驎言念君子溫其如玉在其板屋亂我心曲四牡孔阜六轡在手騏驎是中駟驪是駟龍盾之合蓋以釐輶言念君子溫其在邑方何為期胡然我念之儻駟孔羣九矛

盜錚蒙伐有苑虎韞鏤膺交韞二弓竹閉緄滕言念君

子載寢載輿厭厭良人秩秩德音

詩序小戎美襄公也備其兵甲以討西戎

西戎方彊而征伐不休國人則矜其車甲婦人能閔其君子焉

終南何有有條有梅

君子至止錦衣狐裘顏如渥丹其君也哉終南何有有

紀有堂君子至止黻衣繡裳佩玉將將壽考不忘

詩序終南

戒襄公也能取周地始為諸侯受顯服大夫美之故作是詩以戒勸之

蒹葭蒼蒼白露

為霜所謂伊人在水一方溯洄從之道阻且長溯游從

之宛在水中央蒹葭淒淒白露未晞所謂伊人在水之

湄遡洄從之道阻且躋遡游從之宛在水中坻蒹葭采

采白露未已所謂伊人在水之涘遡洄從之道阻且右

遡游從之宛在水中

詩序蒹葭刺襄公也未能用周禮將無以固其國焉

史記十二年伐戎而至岐卒生文公文公元年居西垂

宮三年文公以兵七百人東獵四年至汧渭之會曰昔

周邑我先秦嬴於此後卒獲為諸侯乃卜居之占曰吉

即營邑之 文公夢黃虵自天下屬地其口止於廊衍

文公問史敦敦曰此上帝之徵君其祠之於是作廊時

用三牲郊祭白馬焉

○本紀  
在十年

十三年初有史以紀事

民多化者十六年文公以兵伐戎戎敗走於是文公遂

收周餘民有之地至岐岐以東獻之周十九年得陳寶

漢書文公獲若石云於陳倉北阪城祠之其神或歲不至或歲數來也常以夜光輝若流星從東方來集于祠城若雄雉其聲殷殷云野雞夜鳴以一牢祠之名曰陳寶列異傳陳倉人掘地得物若羊非羊若猪非猪怪

將獻之道逢二童子謂之曰彼名為媯常在地中食死人腦若以栢東南枝插其首則死矣媯亦語曰此二童子名為陳寶得其雄者王得其雌者霸於是陳倉人遂棄媯而逐童子童子化為雉飛入平林陳倉人告文公文公發大獵得其雌者化為石置之汧渭之間立為祠名曰陳寶雄飛集南陽秦人欲表其符故以名縣每

陳食祀時有赤光長十餘丈從雒縣來入陳倉祠中有聲如雄雉世俗謂之寶夫人祠○媼或作媚捷神記言穆公得之至文公時立祠文乃穆之遠祖其說非也又言其後光武起於南陽

二十年法初

有三族之罪二十七年伐南山大梓豐大特

搜神記武都故道有

怒特祠祠上生梓樹秦文公使人伐之輒有大風雨樹創隨合文公乃益發卒持斧者至四十人猶不斷士疲還息其一人傷足不能行臥樹下聞鬼語樹神曰勞乎攻戰一人曰何足為勞又曰秦若使三百人被髮以朱絲統樹赭衣灰塗汝汝得不困邪神寂無言明日病人語所聞公於是令人皆衣赭隨斫創塗以灰樹斷中有青牛出走入豐水中其後青牛出水使騎擊之不勝有騎墮地復上髻解被髮牛畏之乃入水不敢出故秦自是置旄頭騎

四十八年文公太子卒賜諡為靖公靖公之

長子為太子是文公孫也五十年文公卒葬西山靖公  
子立是為寧公寧公二年公徙居平陽遣兵伐蕩社三  
年與亳戰亳王奔戎遂滅蕩社十二年伐蕩氏取之寧  
公生十歲立立十二年卒葬西山生子三人長男武公  
為太子武公弟德公同母魯姬子生子寧公卒大庶  
長弗忌威壘三父廢太子而立出子為君出子六年三  
父等復共令人賊殺出子出子生五歲立立六年卒三  
父等乃復立故太子武公武公元年伐彭戲氏至于華

山下居平陽封宮三年誅三父等而夷三族以其殺出  
子也十年伐邾冀戎初縣之十一年初縣杜鄭滅小虢  
二十年武公卒葬雍平陽初以人從死從死者六十六  
人有子一人名曰白白不立封平陽立其弟德公德公  
元年初居雍城大鄭宮以犧三百牢祠鄜時卜居雍後  
子孫飲馬於河漢書雍之諸祠自此興二年初伏以狗禦蠱漢書  
作伏祠殊狗邑四門以御蠱災德公生三十二歲而立立二年卒生  
子三人長子宣公中子成公少子穆公長子宣公立四

年作密時

漢書秦宣公作密時於渭南祭青帝

與晉戰河陽勝之十二

年宣公卒生子九人莫立立其弟成公成公立四年卒

子七人莫立立其弟穆公

漢書秦穆公立病臥五日不寤寤廼言夢見上帝上帝命

穆公平晉亂史書而藏之府而後世皆曰上天○自寧公以下春秋時事以經傳無文附此

史記十二諸侯年表始於共和由共和以前不能譜


其年也杞有世家言不列於表非以其小微不足稱

述邪然祀神明之冑於周為三恪年表削之非也通

鑑目錄增之是也列國之事其在春秋甚詳而幽平



以前略不多見顧世家能序其世及而秦晉衛齊鄭  
陳之詩列於變風不可以闕遺也故頗采輯著於篇



繹史卷二十八